

Broj: 03-02-335/2024
Sarajevo, 14.05.2024. godine

**PARLAMENT FEDERACIJE
BOSNE I HERCEGOVINE**

Primljeno	15-05-2024	Vrijednost
Broj	03-02-443	24

- Predstavnički dom -
gđa. Mirjana Marinković-Lepić, predsjedavajuća
- Dom naroda -
gosp. Tomislav Martinović, predsjedavajući ✓

PREDMET: Veza akt sekretara Doma naroda Parlamenta Federacije BiH broj: 02-02-443/24 od 14.02.2024. godine

Poštovana,

U skladu sa članom IV.B.3.7.c) (III) Ustava Federacije Bosne i Hercegovine, a u vezi sa odredbama člana 165. stav (4) Poslovnika Predstavničkog doma Parlamenta Federacije BiH („Službene novine Federacije BiH“, br. 69/07, 2/08, 26/20 i 13/24), i sa članom 157. stav (4) Poslovnika o radu Doma naroda Parlamenta Federacije BiH („Službene novine Federacije BiH“, br. 27/03, 21/09 i 24/20), u prilogu Vam dostavljam **MIŠLJENJE O NACRTU ZAKONA O GRAĐANSKOJ INICIJATIVI I ZAŠTITI GRAĐANA I AKTIVISTA FEDERACIJE BOSNE I HERCEGOVINE**, koji su podnijeli Sanela Klarić, delegatkinja u Domu naroda Parlamenta Federacije BiH i Damir Nikšić, poslanik u Predstavničkom domu Parlamenta Federacije BiH, a koje je Vlada Federacije Bosne i Hercegovine utvrdila na 34. sjednici, održanoj 14.05.2024. godine.

Mišljenje se dostavlja na službenim jezicima i pismima Federacije Bosne i Hercegovine.

S poštovanjem,

PREMIJER
Nermin Nikšić



Prilog: kao u tekstu na bosanskom jeziku

Co: Federalno ministarstvo pravde
gosp. Vedran Škobić, ministar

100	500	-00-	100
-----	-----	------	-----

Handwritten signature or initials in blue ink.

Na osnovu člana 51. Poslovnika o radu Vlade Federacije Bosne i Hercegovine - Prečišćeni tekst („Službene novine Federacije BiH“, br. 6/10, 37/10, 39/20 i 67/21), a u vezi sa odredbama člana 165. stav (4) Poslovnika Predstavničkog doma Parlamenta Federacije BiH („Službene novine Federacije BiH“, br. 69/07, 2/08, 26/20 i 13/24), i sa članom 157. stav (4) Poslovnika o radu Doma naroda Parlamenta Federacije BiH („Službene novine Federacije BiH“, br. 27/03, 21/09 i 24/20), nakon razmatranja Nacrta zakona o građanskoj inicijativi i zaštiti građana i aktivista Federacije Bosne i Hercegovine, koji su podnijeli Sanela Klarić, delegatkinja u Domu naroda Parlamenta Federacije BiH i Damir Nikšić, poslanik u Predstavničkom domu Parlamenta Federacije BiH, Vlada Federacije Bosne i Hercegovine je na 34. sjednici održanoj 14.05.2024. godine utvrdila

MIŠLJENJE

Nakon uvida u Nacrt zakona o građanskoj inicijativi i zaštiti građana i aktivista Federacije Bosne i Hercegovine, sugerišemo da se u odredbi člana 6. primjeni član 39. Pravila i postupaka za izradu zakona i drugih propisa Federacije Bosne i Hercegovine („Službene novine Federacije BiH“, broj: 71/14), a koji u stavu (4) propisuje da se upotrijebljeni strani izraz u propisu piše u zagradi iza domaćeg izraza istog značenja. U toj odredbi navodi se i koji će se izraz koristiti u nastavku teksta propisa.

U članu 12. stav (6) riječ "vlasništvu" nadležnog kantona, odnosno grada ili općine budući da se radi o javnim površinama je suvišna.

Takođe, kranji rok iz člana 14. ovog Nacrta, za prikupljanje potpisa građana koji učestvuju u građanskoj inicijativi, od 90 dana je neprimjereno dug pogotovo ako se potpisi građana prikupljaju na javnim površinama.

Isto tako smatramo da žalbeni postupak u čl. 16. i 18. nije preciziran, jer se ne navodi koji organ je nadležan da odlučuje u drugom stepenu i na koji način se utvrđuje nadležnost tog organa.

Što se tiče ostalog teksta Nacrta zakona, nemamo primjedbi niti sugestija.

I na kraju, budući da se radi o zajedničkoj nadležnosti federalne i kantonalnih vlasti, u pogledu ovih nadležnosti kantoni i federalna vlast dogovaraju se na trajnoj osnovi pa sugerišemo da prilikom donošenja ovog zakona budu uključene i kantonalne vlasti.

V. broj: 723 /2024
14.05.2024. godine
Sarajevo

